

之數均須由官給發不准額外勒索業經通飭各屬一體遵辦

湖北 武昌縣監向不寬整近署縣蕭大令以方今百度維新而改良監獄尤為急務特籌集巨款擇地與修悉合程度并將舊監修理如式云

湖南 湘學政支文宗以湘省為忠義鍾毓之區而士民多染煙癮精枯委頓振作難期特擬力除其害先從士林入手童生責成原係生員責成教官實力稽查共相勸戒俾知生員中有煙癮者必不得優等童生中有煙癮者必不得入學庶幾痛改前非共圖奮發並奏請 飭下各省學臣一律照辦經奉 硃批著照所請

陝西 西安滿營地址居省城四分之一旗民雜處良莠難齊雖有步軍營及各旗堆兵然為數無多稽查八旗地面顧此失彼實難周密近經長統制稟將步軍營改為警察營其各堆撥即名警察處其兵丁即曰警察兵量為變通以新耳目警察兵共分六班每班合一百三十餘人晝夜輪流派撥站段派協領一員督理佐領等分帶巡兵破除積習認真巡查以靜地方而安住戶

廣東 粵督岑雲帥前飭臬司將各屬差役裁汰歸併另募親兵差遣酌定專條通飭照辦近聞臬司沈廉訪以兵之為名至貴隸之為役至賤募親兵而不定其人格恤其生計則親兵亦即差役之變名方今舉行新政如警察一事為東西各國內治善法誠能合籌鉅款妙選人格切實行之差役親兵均可棄而不用擬詳請出示曉諭或由東莞發端或由六大縣先行開辦以警察代差役俟六屬辦理就緒再行逐漸推廣云

各國內務彙誌

韓國 韓廷近擬將地方制度大加整頓先廢十三道復歸八道減三百四十二郡為百七十郡守裁於觀察使而減

內務

二二一

乙巳

其事權一切設施均須稟准辦理徵稅事務亦以財務官及補佐官輔理之云

英國 英廷近簡開姆斯弗爾德爲槐因斯蘭總督 前任加拿大總督閱圖已舉爲印度總督以繼寇仁之任

俄國 俄皇前曾降諭准設議院近聞此項規例業經聖敎會支配員長朴崎道諾善夫編定凡在官人員不得膺代議士之選內代議士四百四十八選自城中九十八選自鄉間各有組織憲法參議國家法律監督地方政事之權猶太人亦得被選惟須稍加限制至其公舉之法四條亦已爲各大臣所批准茲錄如下 一凡二十一歲以上之人產業納稅能與定章相符者爲合格 一每省與二十一大城公舉一選舉會而由該會再舉議員一公舉之法則以拈鬮之法爲之一村民不能獨自公舉在選舉會之村民代表人則由省會公舉省會則由村會公舉 內務大臣布利譏宜辭職後俄皇特簡結弗城總督伊奈科夫以繼其任 軍務大臣撒嘎洛夫近因事多掣肘上表辭職俄皇已允其請

法國 外部大臣德加士因前在議院反對德國之論爲衆所駁乃即上表辭職各黨聞之頗有喜色云

荷蘭 荷政府近委前署荷屬印度巡撫何棟葛組織一新內閣何辭不就職荷后乃委大臣羅曼代之

瑞典 瑞王奧斯格近因政躬抱恙將一切國政交與大太子暫攝

腦威 腦國自與瑞典分立後已舉丹麥王太子之第二子以爲國王因瑞典王族中實無可舉之人丹太子已允其請後因腦威著名詩家羌生主義改腦威爲民主國惟探險家納生雖爲候選總統之一然甚反對此議故丹國因見腦瑞兩國一時分立將來恐有糾葛頗爲躊躇不決